

ILMINUTO *notizie mediterranee*

sezioni tag progetti archivio redazione chi siamo contatti

sardu | [italiano](#)

ambiente animali cucina cultura economia istruzione lavoro politica società

Società

## Pediattras: in Itàlia unu 5,5% in mancù in duos annos

Lu narant sos datos de sa fundatzione Gimbe

10 Maggio 2023



**Aprofundimentu de su mèrcuris.** Si est cosa chi leghimus in su situ de su **ministeru de sa Salute**, cheret chi a cussa definitzione abarremus fideles totu cantos: «**Cada pitzinnu**, dae cando naschet, **devet àere su pediatra suo pro pòdere atzèdere a totu sos servìtzios e prestatziones garantidas dae su Servìtziu sanitàriu natzionale**».

Amus in pessu lèghidu e bortadu unu printzìpiu de cussos chi non si nche podent tòddere. Ma comente ischimus, unu contu est a b'aeremus unu printzìpiu iscritu, àtera cosa est a lu pònnere in pràtica.

Sa **fundatzione Gimbe**, pro nàrrere, at bogadu a campu unos cantos datos chi nos narant una cosa prus chi non làdina: «**S'allarme in contu de mènguas de pediattras** – narat su presidente Nino Cartabellotta – **movet dae babbos e mamas de totu sas regiones**, dae nord a sud, cun cantos chi si prendent a chistiones burocràticas, mancàntzia de rispostas dae parte de s'Asl, pediattras cun nùmeros de assistidos foras de misura».



## Ultime news

10 Maggio 2023

**S'umbra 'e su fogu, premio Muse per la pellicola sui roghi del Montiferru**  
Ambiente

10 Maggio 2023

**Tzilibirche, sa Cia: «Non giuant sas atziones de sa Regione»**  
Lavoro

10 Maggio 2023

**S'umbra 'e su fogu, premio Muse per la pellicola sui roghi del Montiferru**  
Ambiente

Alt. Torremus a lèghere ite b'at iscritu in su situ de su ministeru: «*Su pediastra **non** podet sighire **prus de 800 assistidos***». B'at chie giogat cun sas **dèrogas**, duncas, chi però «*podent èssere cuntzèdidas cunforma a situatziones locales particulares, si in una zona non b'at disponibilidade de àteros peditras, o puru cando in una famiglia si b'annanghet unu pitzinnu nou*».

E no est ebbia a nàrrere chi su problema movet dae sas **duas fàscias de edade**. Firmemus·nos agigu pro cumprèndere mègius. Semper su ministeru narat chi «*su pediastra est **obligatòriu** pro sos pitzinnos **finas a sos 6 annos***» e chi pro sos chi nche sunt «*intre **sos 6 e sos 14**, su **sèberu** podet èssere intre peditras e mèigu de famiglia*».

Como, est beru chi (datos Istat) sa fàscia 0-6 interessat 2,6 milliones de pitzinnos e sa 6-14 4,3 milliones. Ma fintzas cun unu trasferimentu de parte manna de pitzinnos de custa fàscia a sos mèigos de famiglia non diat cantzellare sas crititzidades.

Pro primu cosa sa fàscia 6-14 est bastante manna e cheret chi comprendemus comente sunt partzidos cussos 4,3 milliones: su bonu nch'est serente a sos 6 o a sos 14? A pustis b'at de nàrrere chi fintzas pro su chi pertocat sos **mèigos** de base b'amus carèntzia de personale e nùmeros de assistidos foras de misura. In Sardigna, pro nàrrere, mancari in forma voluntària, nch'ant **artziadu su limite de patzientes dae 1500 a 1800**.

Duncas si su problema de sos peditras est sa fàscia 6-14 (semper chi b'apat trasferimentu bastante e uniforme), semus faghende un'arresonu a metade ca posca su problema est pro sos mèigos de famiglia, chi giai sunt a fòddidas.

Sos problemas de sos **peditras** pertocant difatis finamentas s'**edade issoro**: cunforma a sos datos **Enpam** a su 31 de nadale de s'annu coladu, **prus de su 50%** de issos nch'aiat barigadu sos **60 annos** de edade. Intro de su **2031** ant a pensionare duncas **3.500 peditras**.

E su ricàmbiu generatzionale mancadu giai dae como lu semus bidende. Ca intre sos peditras noos b'at chie sèberat de fàghere su pls (a sèberu lìberu) e b'at chie sèberat sa carriera ospidalerà. de cada manera sos **peditras noos** diant prenare su bòidu chi connoschimus **petzi pro su 50%**.

Sa situatzione est crítica. Cunforma a s'ùrtimu agiornamentu de su report **Agenas**, dae su 2019 a su 2021 b'at àpidu 386 peditras in mancu (fiant 7.022): **su 5,5% in duos annos**.

*Attività realizzata col contributo della Regione Sardegna - IMPRENTAS 2021-2022. LR 22/2018, art. 22*

10 Maggio 2023

**Guerre e informazione, seminario di studi a Sassari**  
[Istruzione](#)

10 Maggio 2023

**Tzilibirche, sa Cia: «Non giuant sas atziones de sa Regione»**  
[Lavoro](#)

© RIPRODUZIONE RISERVATA

Tags: [Aprofundimentos](#)

## Aprofundimentos

*Attività realizzata col contributo della Regione Sardegna - IMPRENTAS  
2021-2022. LR 22/2018, art. 22*



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

ASSESSORADU DE S'ISTRUZIONE PÙBLICA, BENES CULTURALES, INFORMATZIONE, ISPETÀCULU E ISPORT  
ASSESSORATO DELLA PUBBLICA ISTRUZIONE, BENI CULTURALI, INFORMAZIONE, SPETTACOLO E SPORT

[Sezioni](#)[Tag](#)[Progetti](#)[Archivio](#)[Redazione](#)[Chi siamo](#)[Contatti](#)

IlMinuto notizie Mediterranee, Testata giornalistica registrata al Tribunale di Cagliari n. 12/09-8/6/2009. P. Iva: 01158810950.

Sito realizzato da Sergio Durzu - Hosting by [Kimsufi](#)